



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Contendere.

urn:nbn:de:hbz:466:1-30427

maliter loquendo, quādo scilicet spernit vt spernat. si autem contemnat tantū materialiter, non peccat mortaliter, nisi ex hoc proximus notabiliter le datur.

² **C**ONTENNENS subijci, cui oportet subijci, formaliter ex suo genere peccatum mortale est, quia & contra rationem, & contra dilectionem Dei, vel proximi, & propter hoc peccare ex contemptu formaliter loquendo, vt dicere verbum otiosum, non seruare consilia Christi, &c. est mortale peccatum, hoc enim nihil aliud est, quam nolle subijci consilij Christi, quod tamen necessarium est, quamuis seruare sit de bene esse. Hæc enim peccata raro accidunt, nisi pessimè dispositis. Not. est, quod si quis facit aliquid, vel non facit ex indignatione, non dicitur fieri hoc ex cōtemptu, vt si prælatus dicat alicui vt cante, & ipse nolit cantare: vt prælatus hanc consolationem non habeat, non dicitur face re ex cōtemptu. Caieta. ibi conformiter S. Tho. secūda secūda. q. 186. a. 9. ad 3.

³ **N**ON omnis peccans venialiter ex contemptu, mortaliter peccat, nisi esset paratus etiā hoc facere, si esset mortale. secundum Tab. ex S. Tho. Dicit tamen, quod religiosus peccans ex contemptu, in his quæ pertinent ad perfectionem, quæ etiam de se nō sunt mortalia, mortaliter peccat, quia contemnit id, in quod tenetur tenere. Caieta. verò dicit, verū esse, quod peccans quomodocunque ex contemptu simpliciter, mortaliter peccat, sed qui contemnit aliquid ex eo, quod minimū est, non contemnit simpliciter, sed secundum quid, ideo non peccat mortaliter, modificat enim illum contemptum cum illo minimo, sicut qui accipit minimum, non dicitur furari simpliciter, & in hoc sensu intellige Tab. dict.

⁴ **I**TEM aliud est cōtemnere regulā, seu monitionem superiores, aliud est contemnere id quod mandatur, ideo frangens silentium ex contemptu cōstitutionis: secundum prius dicta, mor-

taliter peccat: si angens autem, & contemnens silentium tanquam rem minimam, & peccatum veniale, venialiter peccat, quia non simpliciter contemnit, sed secundum quid solum.

Vnde Thomas in quæstionibus de veritate. quæstio 15. a. 5. ad 2. dicit, quod non quilibet contemptus facit mortale peccatum, sed contemptus Dei solum, per hoc enim solum homo auertitur à Deo.

CONTENDERE.

¹ **C**ONTENDERE, secundū Th. secūda secūda. q. 38. a. 1. est cōtra aliquem verbis tendere, quæ quidem cōtentio potest attendi, & quantum ad intentionem contendētis, & quantum ad modum. Quantum ad intentionem, si quis impugnat veritatem modo indebito, scienter, vel quando est in iudicio, vel in disputatione: non graua disputationis, sed veritatis impugnandæ, sic est peccatū mortale, quia est mendacium perniciosum contra honorem Dei, & utilitatem proximi. Quò autem ad modum, si modus est scandalosus, vel propter inordinatos clamores, vel propter opprobria, quæ ibi vt plurimum dicuntur, est etiam mortale. Scriptum est enim, Vt illi per quem scandalum venit. Bonus ergo confessor considerabit qualitatem modi. Secus quando impugnat veritatem credens dicere verum, vel dicens rationes suas audenter cū aliquali turbatione, tunc potest esse sine peccato omnino, vel tantum veniale.

² **C**ONSTITUTIONES fratrum prædicatorum, quæ dicunt in c. de graui culpa. si quis cum prælato suo contenderit, non intendit de illa, quæ est secundum se mortalis, quæ diuino iure prohibetur, sed ea, quæ est communiter venialis, quia tales contēdentes, etiam veritatem clamose defendentes, aut despectiue, aut derisorie, debitam prælatis reuerentiā, & subiectionē nō seruant. Propterea merito grauius puniuntur, quia grauius quam alij seculares peccant.

CON.